

Officiu chi si solit fai in sa Capella de su SS.mu Rosariu

Actiones nostras, quaesumus, Domine, aspirando preveni, et adiuvando prosequere: ut cuncta nostra oratio et operatio a te semper incipiat, et per te coepta finiatur. Per Christum Dominum nostrum. Amen.

V. Ave, Maria, gratia plena, Dominus tecum

R. Benedicta tu in mulieribus

V. Domine, labia mea aperies.

R. Et os meum annuntiabit laudem tuam

V. Deus, in adiutorium meum intende.

R. Domine, ad adiuvandum me festina.

Gloria Patri et Filio et Spiritu Sancto. (Alleluja *vel* Laus tibi domine Rex aeternae gloriae).

Prima Parti : Misterius Gososus

Primu Misteriu

In custu primu misteriu gososu si considerat:

1) Comenti s'eterna e divina Sabiduria hiat pigau unu modu tantu cumbenienti po sa saludi de su generu umanu, chi su Fillu de Deus hessit beniu faisi omini po s'omini.

2) Si considerat comenti s'Arcangelu Gabrieli hiat annunziadu po parti de Deus a sa Virgini Maria, chi Issa depiat nasciri su Salvadori de su mundu e s'umilidadi tantu profunda cun sa cali custa Signora rispondesit: Eccu sa serbidora de su Signori, siat fatta in mei segundu sa paraula tua.

3) Si considerat su gosu tantu straordinariu, chi hiat provau sa Virgini SS.ma in birisi in is intragnas suas virginalis incarnau e fatt'omini su Fillu de Deus.

E cunteplendi custu misteriu heus a nai: 1 Babu nostru e 10 Ave M.

Offresimentu

O Virgini SS.ma e benaventurada, Mama de Deus: nosaturus os ofereus umilmenti custas dexi Ave Marias e unu Babu nostu, a su gosu chi heis tentu, candu de s'Arcangelu Gabrieli festis stada sa laudada cun cuddas dulcis paraulas: Deus ti salvit, Maria, plena de gratias; e os annunziesit comenti su Fillu de Deus beniat a faisi omini in is virginali intragnas bostas po sa saludi de su generu umanu, e bosu cun profunda umilidadi heis rispostu: Eccu sa Serbidora de su Signori, si fazzat in mei segundu sa paraula tua.

Orazioni

Osi supplicaus, o Virgini benedicta, nos'alcanzeis de Fillu bostu amadissimu perfetta umilidadi, cun sa cali nosi dispongaus a fai totus is cosas segundu sa voluntadi sua. Aici siat.

Secundu Misteriu

In custu secundu misteriu heus a considerai:

1) comenti s'Arcangelu Gabrieli hiat nau a sa Virgini SS.ma chi sa parenti sua Sant'Elisabetta hiat cunzebiu unu fillu in sa bezzesa sua, e Issa cun prestesa si partisit a dda visitai.

2) Sa meraviglia cun sa cali Sant'Elisabetta dd'arricesit e su gosu chi su pipiu Santu Giuanni, essendu ancoras inserrau in is intragnas de sa mama, nddi provesit (anticipendu s'usu de sa resoni).

3) Comenti Sant'Elisabetta plena de su Spiritu Santu hiat pronunziadu cuddas dulzis paraulas: Benedetta ses tui intr'e totus is feminas e benedittu est su fruttu de is intragnas tuas.

E cunteplendu custu misteriu heus a nai: 1 Babu nostru e 10 Ave M.

Offresimentu

O clementissima Virgini Maria, Abogada nosta: nosaturus os offereus umilmenti custa dexi Ave Marias e unu Babu nostu, a su gosu chi s'anima bosta hat provau candu cun inzendida caridadi festis andada cun tanta prestesa a visitai sa parenti bosta Sant'Elisabetta e festis istada in cumpangia sua gasi tres mesis; cun sa cali visita su pipiu Santu Giuanni (ancoras in is intragnas de sa mama sua fiat stau santificau) e bosu Signora, fiais stada de Issa saludada e connota po mama de Deus.

Orazioni

Osi supplicaus, mama nosta misericordiosissima, nos alcanzeis de fillu bostu preziosissimu una fervorosa caridadi cun su prossimu nostu, e chi s'anima nosta merexat reciri de Deus sa santificazioni e conoscimentu de is divinus misterius. Aici siat.

Terzu Misteriu

In custu terzu misteriu heus a considerai:

- 1) Comenti cumplidus is noi mesis de s'Incarnazioni de su Fillu de Deus, istendu sa Virgini SS.ma in su portali de Betlem, nascesit de Issa su Fillu suu SS.mu, e ddu fascetit in poburus pannus e ddu pongesit aintru de s'istadda in dd'una mandiadroxa de animalis po non tenniri mellus logu de ddu collocai.
 - 2) Si depit considerai su cantidu festosu de is Angelus, sa devozioni de is pastoris e s'obbedienza de is animalis a su Creadori insoru.
 - 3) Su gosu de sa Virgini SS.ma e su devotu serviziu che prestaia santu Giuseppi a su pipiu Gesus chi fiat nasciu.
- E cunteplendi custu misteriu heus a nai: 1 Babu nostru e 10 Ave M.

Offresimentu

O Virgini poderosissima e beneditissima mama de nostru Signori, gosu sempiternu: nosaturus osi offeruus umilmenti custas dexi Ave Marias e unu Babu nostu, a su gosu chi s'anima bosta hat tentu candu de is Virginalis intragnas bostas po su rescatu de su generu umanu su Fillu de Deus nascesit e cun gosu e riverenzia ammirabili in poberus pannus fasciau e aintru de una mandiadroxa de animalis collocau suba su duru fenu e pala, in mesu duus animalis, comenti verdaderu Deus dd'adoretis, in su cali nascentu is corus Angelicalis cantesint: "Gloria a Deus in is alturas de is Celus e paxi in sa terra a is ominis de bona voluntadi".

Orazioni

Osi supplicaus, nosi alcanzeis de custu Fillu bostu preziosissimu amori a sa poberesa vertadera, e chi, apartaus de is cosas de su mundu, ddu pozzaus perfettamente serbiri, e chi continuamenti nasciat in nosaturus cun dd'unu nou fervori de caridadi. Aici siat.

Quartu Misteriu

In custu quartu misteriu heus a considerai:

- 1) Comenti sa Virgini SS.ma depustis di essiri stau su Fillu suu preziosissimu de is Angelus glorificau, de is pastoris visitau e de is tres Reis de s'Orienti adorau, ddu portesit a su templu de Gerusalemme po ddu presentai a su Babu Eternu, offerenti su pipiu Gesus cun d'una offerta de poberus, assuggetendusi Issa pustis de quaranta diis a sa lei de sa Purificazioni.
 - 2) Comenti su santi becciu Simeoni (chi tantu disigiada biri custa dii) ddu portesit in is brazzus suus nendu cuddu dolci cantigu: Immoi, O Signori, manda in paxi su serbidori tuu, poita chi is ogus mius hant bistu su Slavadori de su mundu.
 - 3) Comenti fiat stau connotu de sa santa fiuda Anna chi innè fiat presenti e in cuss'occasioni a presenza de totus alabesit e glorificesit su Signori.
- E cunteplendi custu misteriu heus a nai: 1 Babu nostu e 10 Ave M.

Offresimentu

O Virgini SS.ma e benaventurada, giardinu de totus is virtudis: nosaturus os'offeruus umilmenti custas dexi Ave Marias e unu Babu nostu, po su gosu chi heis arriciu, candu depustis di essiri stau Fillu bostu glorificau, visitau e adorau, cumplidas is quaranta diis, ddu portestis a su templu po ddu presentai a s'Eternu Babu, aundi de su Santu becciu Simeoni e de sa Santa viuda Anna fiat stau connotu e de issus in presenza de totus cunfessau.

Orazioni

Osi supplicaus, nosi presentis, comenti umilis serbidoris bostus a sa divina presenza, po chi divinamenti in su santu templu suu e in dogna logu pozzaus annunziai e confessai sa gloria e alabanza de su Signori. Aici Siat.

Quintu Misteriu

In custu quintu misteriu heus a considerai:

- 1) Comenti su pipiu Gesus, essendi giai a s'edadi de dox'annus, fiat andau cun su Babu e Mama sua a su templu de Gerusalemme, segundu s'usu, po celebrai sa festa, e comenti Issus partisint de Gerusalemme, fiat aturau su pipiu Gesus, solu, senza chi dd'hessint scipiu.
 - 2) Comenti subitu chi s'accatesint chi non fiat cun Issus, dd'hant circau po su spaziu de tres diis tra is parentis e connotus insoru, e no aendiddu agatau fiant torraus cun meda ansiedadi a Gerusalemme, aundi dd'incontresint in mesu a is Dottoris iscurtendiddu e preguntendiddu, chi totus chi dd'intendiant aturanta meravigliaus de sa prudenzia e rispostas chi ddis donada.
- E cunteplendi custu misteriu, heus a nai: 1 Babu nostu e 10 Ave M.

Offresimentu

O intera, e po sempiri benedita, sola e senza cumparazioni Virgini e Mama de Deus, amparu e consolu de is affligius: nosaturus os offeruus umilmenti custas dexi Ave Marias e unu Babu Nostu, a su gosu chi heis arriciu candu apustis de sa meda afflizioni de s'anima bosta po hai perdiu su pipiu Gesus, luxi de is ogus bostus, dd'agatestis pustis de tres diis

in su templu in mesu de is Dottoris, cun ammirabili Sabidoria, iscurtendiddus e preguntendiddus, e si ndi torresit in cumpangia bosta a sa cittadi de Nazaret, aundi est istau suggettu a bosu e a Santu Giuseppe sposu bostu.

Orazioni

Osi supplicaus, nos alcanzeis interu consolu in is tribulazionis, e conformidadi cun sa voluntadi de Deus, po chi cun perfetta umilidadi e ubbidienza serbaus a sa Divina Magestadi; alcanzainosi, si calincuna borta ddu perdeus, nisciunu riposu incontrint is animas nostas, finzas a tantu chi ddu torreus a incontrai po essiri funtana viva e consolu de is affligius, suavidadadi de is corus nostus e vida de is vidas nostas. Aici Siat.

Offresimentu po is cincus misterius

O Virgini SS.ma Maria, Mama de Deus, saludi de is chi tenint cunfianza in Bosu, nosaturus os offereus umilmenti custa prima parti de su preziosissimu Rosariu Bostu in riverenzia de is cincus misterius gososus: osi supplicaus, Signora, siais Abogada nosta in sa vida e in sa morti, e nos alcanzeis de Fillu bostu benedittu perdonu de is peccaus nostus, e grazia particolari chi ddu pozzaus serbiri, e agabeus in su santu serviziu suu. O Virgini Maria, Mama de grazias e de misericordia, succurreinosi in is necessidadis nostas spiritualis e temporalis, e osi incumandaus su stadi de sa Santa Cresia, Mama nosta, e a is Prelaus suos, e a is Principis temporalis e a totus is parentis nostus, amigus e benefattoris bius e mortus in secula seculorum. Amen

Si resit unu Babu nostu e una Ave Maria po s'esaltazioni de sa fidi Cattolica.

Si cantant is Litanias comenti a p. 107

Depustis si cantant is vesriculus con s'orazioni sighenti:

V. Salvos fac servos tuos et ancillas tuas
R. Deus meus sperantes in te
V. Domine exaudi orationem meam
R. Et clamor meus ad te veniat
S. Dominus vobiscum
R. Et cum spiritu tuo

Oremus

Supplicationem servorum tuorum Deus miserator exaudi, ut qui in societate Sanctissimi Rosarii Dei Genitrix et Virginis Mariae congregamur, eius intercessionibus a te de instantibus periculis eruamur.

Tribue, quaesumus, Domine, omnes Angelos et sanctos tuos jugiter pro nobis orare, et eos clementes exaudire digneris. Ecclesiae tuae, Domine, preces placatus admitte, ut destructis adversitatibus et erroribus universis, secura tibi serviat libertate.

Praetende, Domine, famulis et famulabus tuis dexteram coelestis auxilii, ut te toto corde perquirant, et quae digne postulant assequantur. Per Christum Dominum nostrum. Amen.

Gosus de su Santissimu Rosariu "Serenissima aurora"

V. Ora pro nobis Sancta Dei Genitrix
R. Ut digni efficiamur promissionibus Christi

Oremus. Concede nos famulos tuos, quaesumus, Domine Deus, perpetua mentis et corporis sanitate gaudere, et gloriosa beatae Mariae semper Virginis intercessione, a presenti liberari tristitia, et aeterna perfrui laetitia. Per Christum Dominum nostrum. Amen.

Si cantat su De profundis, cun su sighenti Oremus:

Deus, veniae largitor, et humanae salutis amator, quaesumus clementiam tuam, ut nostrae Congregationis fratres, propinquos, et benefactores, qui ex hoc saeculo transierunt, beata Maria semper Virgine intercedente, cum omnibus Sanctis tuis, ad perpetuae beatitudinis consortium pervenire concedas, Per Christum Dominum nostrum. Amen.

Segunda Parti: Misterius Dolorosus

Primu Misteriu

In custu primu misteriu dolorosu heus a considerai:

- 1) Comenti su benedittu Gesu, depustis de hai accabada sa cena, si partisit cun is discipulus suos a s'ortu de Getzemani, aundi fiat accostumau andai cun issus a pregai.
- 2) Comenti, portendu cun Issu tres de is prus amaus discipulus suos, hiat cumenzau a timiri e angustiaisi, e ddis narat: trista est s'anima mia finzas a sa morti, aturai innoi e vigilai.
- 3) Comenti, apartendusi unu pagu de issus, si ponzesit in orazioni e tantu fiat s'agonia chi sudesit sanguini finzas a ndi bagnai sa terra.

E cunteplendu custu, heus a nai: 1 Babu nostu e 10 Ave Marias.

Offresimentu

O Virgini SS.ma e benaventurada, mama de misericordia: nosaturus os offereus umilmenti custas dexi Ave Marias e unu Babu nostu, in memoria de cuddu dolorosu misteriu, candu su gloriosu Fillu bostu, preghendu in s'ortu a su Babu Eternu, cun meda agonia sudesit sanguini in tanta abundanzia finzas a ndi bagnai sa terra, e pustis de unu discipulu suu fiat stau traixiu e cunsignau in manus de is cruelis soldaus, e accapiau a is manus; e cun d'una funi a su zugu cun meda druelidadi e fieresa fiat stau portau a domu de su Pontifizi Annas.

Orazioni

Osi supplicaus, nosi alcanzeis de custu preziosissimu Fillu bostu chi scipiaus fai perfetta orazioni e chi in is tribulazionis nostas e traballus nosi uniformeus a sa voluntadi de su Signori e ddis suffraus cun passienzia. Aici Siat.

Secundu Misteriu

In custu segundu misteriu heus a considerai:

- 1) Comenti cuddu mansu angioni Gesu Cristu est intregau a is cruelis bugginus po ordini de su presidenti Pilatus, po satisfai a sa rabbiosa furia de is accusadoris.
- 2) Comenti in presenzia de totus fiat stau spolau e fortemente accapiau a una colonna.
- 3) Comenti calis leonis arrabias dd'hant azzotau in modu chi ddi scarnifichesint is sagradas palas suas, chi tantu fiat su sanguini chi derramada, chi nd'aturesint bagnada e tinta sa terra.

E cunteplendu custu misteriu heus a nai: 1 Babu nostu e 10 Ave M.

Offresimentu

O Virgini SS.ma e benaventurada: nosaturus os offereus umilmenti custas dexi Ave Marias e unu Babu nostu, in memoria de su dolori chi Fillu bostu hat provau, candu cuddu chi bestit is celus de ermosura e su chi est prus bellu de totus is fillus de is ominis, fiat stau in presenzia de totus spolau e sbregungiu accapiau a una colonna e de is barbarus ministrus crudelissimamenti azzotau.

Orazioni

Osi supplicaus, po su displaxeri chi heis tentu candu su discipulu suu Perdu po tres bortas ddu neghesit, nos alcanzeis de Fillu bostu preziosissimu, nosi spoieus de totus is afflizionis de su mundu e suffraus cun passienzia is azotus e gastigus, chi in custa vida sa divina Magestadi nos hat a bolliri mandai. Aici Siat.

Terzu Misteriu

In custu terzu misteriu heus a considerai:

- 1) Comenti is soldaus de su Presidenti si fiant unius po fai festa de is doloris de su Salvadori e po prus maggiori beffa e aumentu de is doloris suos texessint una corona de pungentissimas spinas.
- 2) Comenti cudda corona si dda pongesint in sa sagrada conca e cun cannas fortementi dd'atripesint po ddi donai maggiori dolori e summu disonori.
- 3) Comenti ddu bestesint de unu cantu de purpura bezza e ddi pongesint una canna in manus po scetru reali, e ingenughendusi ananti suu dd'atripesint cun cudda, narendiddi: "Deus ti salvit, o Rei de is Giudeus".

E cunteplendi custu misteriu, heus a nai: 1 Babu nostu e 10 Ave M.

Offresimentu

O Virgini Maria, dulzura ineffabili: nosaturus os offereus umilmenti custas dexi Ave Marias e unu Babu nostu, in memoria de su dolori chi Fillu bostu e Signori nostu Gesu Cristu hat patiu candu de is cruelis buzzinus si ddi fiat stada inclavada una corona de pungentissimas spinas, chi ddi penetresit su delicau cerbeddu suu e de medas partis curriat de pilu in pilu abundantissimu sanguini.

Orazioni

Osi supplicaus, nos'alcanzeis chi apartit de nosaturus totu su disigiu, presunzioni e superbia, e nosi lassit patiri affrontus e ingiurias po su Signori nostu Gesu Cristu, po chi essendu innoi coronadus de spinas de tribulacionis, merexaus apustis essiri coronadus de gloria po sempiri in s'eterna e perdurabili benaventuranza. Aici Siat.

Quartu Misteriu

In custu quartu misteriu heus a considerai:

- 1) Comenti cuddus cruelis carnifizis, non bollendu donai un'ora de riposu a su Salvatori nostu, ddu carrighesint suba is sagradas palas suas de una pesanti gruxi, non podendu su bonu Gesus mantenniri in peis po is medas turmentus chi sa notti innantis hiat patiu.
- 2) Comenti ddu portesint a su monti Calvari e ddu passesint per is arrugas publicas de Gerusalemmi.
- 3) Comenti sa Virgini SS.ma fiat stada trapassada de grandu dolori biendu tantu afflittu su chi Issa grandementi amada. E cuntemplendi custu misteriu, heus a nai: 1 Babu nostu e 10 Ave M.

Offresimentu

O Virgini SS.ma: nosaturus os offereus umilmenti custas dexi Ave Marias e unu Babu nostu in memoria de su dolori chi sa SS.ma anima bosta hat provau, candu heis bistu portai a s'amau Fillu bostu per is arrugas publicas de Gerusalemmi, cun trumbitas cundennau a morti comenti malfattori e avolutadori de is populus, portendu cudda pesanti gruxi a palas e cun custa ndi seis aturada meda affligida e dolorosa.

Orazioni

Osi supplicaus, nosi alcanzeis interu sentimentu e compassioni de coru in cussus doloris chi Fillu bostu hat patiu e chi cun intera prontitudini porteus sa gruxi de s'ubbidienza suba is palas nostas. Aici Siat.

Quintu Misteriu

In custu quintu misteriu heus a considerai:

- 1) Comenti arribau su Salvatori a su monti Calvari, ddu spolesint de is bestiris chi portata, is calis po essiri attaccaus a sa carri si ddi rinovesint is doloris de is azotus passaus.
- 2) Comenti spolau dd'hant corcau suba de sa fruxi e dd'inclavesint is manus e peis e dd'alzesint in altu in sa gruxi comenti Moisè hiat alzau in su desertu su serpenti.
- 3) Comenti is chi fiant inni presentis si spezzanta is corus insoru de plantu, e de dolori, attripendusi su pettus cun meda sentimentu. E cuntemplendu custu misteriu, heus a nai: 1 Babu nostu e 10 Ave M.

Offresimentu

O Virgini singolari e beneditta intr'e totus is feminas: nosaturus os offereus umilmenti custas dexi Ave Marias e unu Babu nostu in memoria de su dolori chi s'anima bosta hat provau candu sighendu su sonu de is trumbitas e sa turba de sa genti, arribestis a su logu in su cali Fillu bostu depiat essiri crucificau, e heis bistu s'Angioni senza mancia inclavau in sa gruxi cun crudelissimus colpus chi traspasesint s'anima bosta, e cun affrontu alzau in altu in sa gruxi, blasfemendiddu e beffendiddu is presentis e donendiddu a biri feli e axedu in su sidi chi hiat tentu candu hiat nau: "Sitio".

Orazioni

Osi supplicaus, Signora nosta, po sa grandu afflizioni chi heis tentu in cuddu dolorosu misteriu: nos alcanzeis sentimentu vertaderu de sa passioni de nostu Signori Gesu Cristu, po sentiri e riformai su disordini de sa vida nosta e chi morgiaus cun vertaderu dolori de is peccaus nostus. Aici Siat.

Offresimentu po is cincus misterius

O Virgini SS.ma Maria, Mama de Deus, saludi de is chi tenint cunfianza in Bosu, nosaturus os offereus umilmenti custa segunda parti de su preziosissimu Rosari Bostu in riverenza de is cincus misterius dolorosu: osi supplicaus, Signora, siais Abogada nosta in sa vida e in sa morti e nos alcanzeis de Fillu bostu benedittu perdonu de is peccaus nostus e grazia particolari chi ddu pozzaus serbiri e agabeus in su santu serviziu suu. O Virgini Maria, Mama de grazias e de misericordia, succurreinosi in is necessidadi nostas spiritualis e temporalis, e osi incumandaus su stadu de sa Santa Cresia, Mama nosta, e a is Prelaus suos e a is Principis temporalis e a totus is parentis nostus, amigus e benefattoris bius e mortus in secula seculorum. Amen

*Si resit unu Babu nostu e una Ave Maria
Su restanti comenti iin sa primu parti, a pag. 163.*

Terza Parti: Misterius Gloriosus

Su principiu comentu in sa prima parti a pag. 156.

Primu Misteriu

In custu primu misteriu gloriosu heus a considerai:

- 1) Comenti cuddu mansu Angioni senza mancia (de chini s'inferralni inimigu creiat de ndi riportai vittoria) resuscitesit intr'e is mortus, comentu unu fortissimu leoni.
 - 2) Comenti sciollendu is ligaminis de sa morti, liberendu is Santus Padres de su limbu, portat cun sei cudda preziosa conquista.
 - 3) Comenti si presentesit triunfanti a sa Santissima mama sua e cumpargesit a is santas feminas e a is discipulus suos, chi tantu fiant aturaus desconsolaus po sa mancanza de s'amau Maistu insoru.
- E cuntemplendi custu misteriu, heus a nai: 1 Babu nostu e 10 Ave M.

Offresimentu

O dolci, amorosa e sempiri Virgini Maria, nosaturus os'offereus umilmenti custas dexi Ave Marias e unu Babu nostu a s'inefabili gosu e alegria chi heis tentu in sa gloriosa Resurrezioni de s'amau Fillu bostu, chi segundu sa moltitudini de is doloris accresciat s'abundanzia de is consolazionis, candu a Bosu si presentesit innantis de totus, gloriosu e triumfanti resuscitau, su dolori bostu si cambiesit in d'un'allegria e summu gosu, e depustis in segnali de su grand'amori suu cumpargesit a is santas feminas e medas bortas a is Apostolus e discipulus suos.

Orazioni

Osi supplicaus, alcanzeis vertaderu gosu de sa bona coscienza e chi is animas nostas resuscitint a noa vida e costuminis; e dispreziendi su mundu, morgiant a is vanidadis e pompas suas. Aici Siat.

Segundu Misteriu

In custu segundu misteriu heus a considerai:

- 1) Comenti cumplidas is quaranta diis de sa Resurrezioni de su Signori, fiat cumpartu s'ultima borta a is undixi discipulus suos chi stiaiant ritiraus.
 - 2) Comenti ddu hat portaus a su monti Olivetu, de undi si dispedesit de Issus e de sa Virgini Mama sua.
 - 3) Comenti, sollevadas is manus a su xelu, dd'hat arriciu una risplendenti nui, e accumpangiau de is Angelus fiat azziau a su Celu, lassendu plenus de amori e de speranza de su Celu totus cuddus chi fidelmenti dd'hiant a serbiri in sa terra.
- E cuntemplendu custu misteriu, heus a nai: 1 Babu nostu e 10 Ave M.

Offresimentu

O Signora Mama de Deus, nosaturus os'offereus umilmenti custas dexi Ave Marias e unu Babu nostu a s'allegria e gosu chi heis tentu in sa gloriosa Ascensioni de Fillu bostu e Signori nostu, candu dd'heis bistu andai accumpangiau de is Santus Padres chi hiat liberau de su limbu, glorificau e adorau de is Angelus chi dd'ingirianta, e fiat arziau a is Celus, aundi est seziu a sa manu deretta de su Deus Babu, e lassendu a Bosu, o Signora, maista de sa santa scola sua.

Orazioni

Osi supplicaus, nos alcanzeis chi is corus nostus nient'ateru amint, che is cosas celestialis, e chi nosi siais dolci consoladora in s'ora de sa morti nosta, po chi merexaus alcanzai sa vida eterna. Aici Siat.

Terzu Misteriu

In custu terzu misteriu heus a considerai:

- 1) Comenti non bollendu su bonu maistu lassai is discipulus suos desconsolaus, ne mancai a sa promissa chi ddis hiat fattu de ddis mandai su Spiritu Consolatori;
 - 2) e comentu cumplidas is dexi diis apustis de s'Ascensioni sua a su Celu, istendu cun issus sa Virgini SS.ma, ddis mandat su Spiritu Santu in figura de linguas de fogu.
 - 3) Comenti issus, plenus de su Spiritu Santu, cun s'allegria chi arricesint, hiant comenzau a fueddai in diversas linguas is grandesas divinas, de manera tali chi fiant cumprendius de totus is chi ddis ascurtanta.
- E cuntemplendu custu misteriu, heus a nai: 1 Babu nostu e 10 Ave M.

Offresimentu

O Signora Mama de Deus e mama de is orfanus, Consoladora de is desconsolaus, nosaturus os'offereus umilmenti custas dexi Ave Marias e unu Babu nostu po s'allegria chi heis tentu in su sagrau misteriu de sa benida de su Spiritu Santu, candu in figura de linguas de fogu abbascesit asuba de is Apostolus, chi inflammesit tantu is corus insoru, chi subito comenzesint a fueddai in diversas linguas is grandesas de Deus.

Orazioni

Osi supplicaus, po custu gloriosu misteriu nos alcanzeis chi nosaturus meresciaus arriciri su Spiritu Santu in is animas nostas e chi siaus fortificaus cun sa grazia sua, po chi prus non dd'offendaus, e continuamenti ddu pozzaus serbiri. Aici Siat.

Quartu Misteriu

In custu quartu misteriu heus a considerai:

- 1) Comenti Gesu Cristu Signori nostu hat boffiu premiai is traballus de sa SS.ma Mama sua.
 - 2) Comenti, arribada s'ora de sa dicioza morti sua (comenti piedosamente si podit crei), accompangiau de milliaris de Angelus, abbascesit a dd'arriciri, e portaidda cun Issu in corpus e in anima.
 - 3) Comenti hat boffiu s'hessint agataus presentis is sagradus Apostolus po essiri testimongius de sa gloria chi sa Mama andat a gosai in su Celu, de cuddus benis eternus chi tantu giustamenti ddis fiant staus merescius.
- E cuntemplendu custu misteriu, heus a nai: 1 Babu nostu e 10 Ave M.

Offresimentu

O Alta Signora, Reina de is Celus, nosaturus os'offereus umilmenti custas dexi Ave Marias e unu Babu nostu a su gloriosu misteriu de s'Assunzioni bosta, candu de Fillu bostu benedittu fiais stada avvisada po sa gloria eterna e os'est stau cuncediu chi in su passaggiu bostu no hestis bistu sa visioni de su Demoniu, e chi a su tempus de sa morti bosta s'hessint agataus presentis is Santus Apostolus serbidoris bostus, e chi festis arricida in is abitazionis celestialis in anima e corpus de is corus Angelicalis, comenti Reina de is Angelus e mama de su Signori de totus.

Orazioni

Osi supplicaus, chi siais Abogada nosta in dogna logu e in dogna tempus, e in s'ora de sa morti nosta nosi defendais de is trassas e astuzias de su Demoniu, po chi is animas nostas pozzant andai a gosai su Deus e Signori nostu po totu s'eternidadi. Aici Siat.

Quintu Misteriu

In custu quintu misteriu heus a considerai:

- 1) Comenti sa Mama de Deus fiat stada arricida cun grandissima allegria e canticus celestialis de is corus de is Angelus e de totus is Santus e Santas de su Celu.
 - 2) Comenti fiat stada coronada de sa SS.ma Trinitadi po Reina de su Celu e costituita po Signora de is Angelus e Abogada de su generu umanu e tesorera de is benis celestialis.
 - 3) Heus a glorificai e alabai sa SS.ma Trinitadi de cantu hat inalzau a custa Signora chi in su mundu fiat stada sa prus umili de totus is creaturas.
- E cuntemplendu custu misteriu, heus a nai: 1 Babu nostu e 10 Ave M.

Offresimentu

O Signora, Reina e Imperadora de totus is Angelus, totu speranza nosta pustis de Deus: nosaturus os'offereus umilmenti custas dexi Ave Marias e unu babu nostu a su misteriu gloriosu de sa coronazioni bosta chi fiat su cumplimentu de totus is gosus e recumpenza de is grandus merescimentus bostus, candu seis istada inalzada suba is ispiritus Angelicalis, de sa SS.ma Trinitadi, babbu Fillu e Spiritu Santu, coronada e costituita po Signora e Reina de totus, po Patrona e Abogada de totu cuddus chi de coru a bosu s'incumandant.

Orazioni

Osi supplicaus, Signora nosta gloriosissima, si digneis alcanzainosì copiosus donus e grazias ai custus indignus serbidoris bostus chi biveus in custa valle de lagrimas, po chi meresciaus alcanzai sa vida eterna, gosendu de sa presenzia bosta SS.ma cun su Babu, cun su Fillu e cun su Spiridu Santu. Aici Siat.

Offresimentu po is cincus misterius

O Virgini SS.ma Maria, Mama de Deus, saludi de is chi tenint cunfianza in Bosu, nosaturus os'offereus umilmenti custa terza parti de su preziosissimu Rosariu Bostu in riverenza de is cincus misterius gloriosus: osi supplicaus, Signora, siais Abogada nosta in sa vida e in sa morti, e nos alcanzeis de Fillu bostu benedittu perdonu de is peccaus nostus e grazia particolari chi ddu pozzaus serbiri, e agabeus in su santu serviziu suu. O Virgini Maria, Mama de grazias e de misericordia, succurreinosì in is necessidadis nostas spiritualis e temporalis e osi incumandaus su stadu de sa Santa Cresia, Mama nosta, e a is Prelaus suos e a is Principis temporalis e a totus is parentis nostus, amigus e benefattoris bius e mortus in secula seculorum. Amen

Si resit unu Babu nostu e una Ave Maria

Modu de resai su Rosariu in is Dominigas a meri in sa cappella de sa SS.ma Virgini de su rosariu

In nomini de su Babu, de su Fillu, e te du Spiritu Santu. Aici Siat.

V. Ave Maria, gratia plena, Dominus tecum.
R. Benedicta tu in mulieribus et benedictus fructus ventris tui, Jesus.
V. Domine, labia mea aperies.
R. Et os meum annuntiabit laudem tuam.
V. Deus, in adjutorium meum intende
R. Domine, ad adjuvandum me festina

Gloria Patri, et Filio, et Spiritui Sancto: Sicut erat... Alleuja
(*De sa Dominiga de Settuagesima finzas a su fini de sa Caresima, si narat: Laus tibi Domine, rex aeternae gloriae*).

Pustis si narat:

Laudadu Semper siat su nomini de Gesus e de Maria.
Laudeus e prus e prus su nomini de Maria e de Gesus.
V. Siat sempiri laudau su Rei nostu Gesus sacramentau.

*Babu nostru, Dexi Ave Marias, unu Gloria patri.
Pustis de dogna posta, si ripitit: Laudadu semper siat...*

Agabau su Rosariu, si cantant is litanias = a pag. 107

Pustis si cantat, a tenori de is tempus, un'Antifona cun s'orazioni propria posta a pag. 134 e sighestis

Pustis de s'orazioni, si narat:

V. Nos cum prole pia
R. Benedicat Virgo Maria

Divinum auxilium maneat semper nobiscum. Amen.